

又

天道難言命住光傳休生愛欲鍊就汞鉛 出離物我抱道通仙
行全八百功滿三千靈峯洞外閑對林泉常餐淡素意遠腥羶
琴書爲伴高臥雲煙他年歸去獨步朝元

又

明眞之醮所料緊要薦拔先靈各願管了 休問使錢共用多少
收支無私置歷二道臨醮眾人戒欲爲妙 且遠腥羶縱意壽夭
吏神暗察罪福非小近醮朝眞不得喚叫高功道法顯揚大教
所篆符簡眾職明曉追薦文字未有別料 百日之功莫生虛矯
季冬望後要顯光耀休分晝夜俗事除期

道藏輯要

仙樂集

三

胃集四
川上文

馬姑到東萊州近二載滿郡奉道之家各見敬愛卻要去
都下所言有些小事未了中秋旦後相辭信筆數言自知
未達曰

大道無爲眞應有爲無形有相福行施爲 不造萬愆頓覺眞爲
不貪萬有物外清爲不生萬惡應化善爲 不起萬憎應化德爲
道闡萬理應化賢爲世明萬信應化經爲 金剛四句應化禪爲
周易造化應化卦爲道德五千應化修爲 十方三界三教廣爲
萬法無分天下敬爲上報四恩無爲不爲

又

無修有修無爲應爲無著無離無大無微 無憎無愛無是無非

無增無減無高無低無收無取無俏無癡無中應物無慮無機
自然顛倒言東悟西見喜卻怒許省是迷道無形體無想無知
眞常無變無妄無疑無來無去霄漢之梯無動無作運坎迎離
無情巨貌嬰姪相隨無物之象古今明稀藕在水中蓮朵出泥
既超彼岸丹陽教依

又

眞隱遼陽敬奉丹陽萬事無心漸得道陽盡惡常善達理明陽
心無貪爭體變眞陽碧天青瑩光顯太陽寶光無缺混合陰陽
命清無漏火鍊靈陽自然顛倒微妙通陽他年歸去重禮重陽

又

道藏輯要

仙樂集

三

胃集四

守道無愆慧目觀天無中妙有永結靈鉛行全八百功了三千
傻猿縛住迸出光圓冲和黍米道意如淵自然達理雲水溪邊
琴書作伴自在修仙各藏雲洞夏臥松軒欣時歌舞靜看詩篇
攜筇頂笠終始眞堅古今達者清隱高賢

又

昌陽石嶺有塔善敬茅屋仙居禮參大聖道論陰陽釋明見性
文宣五常外應百行萬法千門無分平等盡除憎愛眞無罪病
不犯天條達理歸正眞齋眞戒身心清靜只修道德利名休競
去惡冲和忘情保命天瑩光圓勝如入定至妙希夷絕其視聽
古往今來幾人頓省賢聖虛空化世應影金剛四句善通敬頂

了一去朝上清真境

又

身似環牆四面生光無中明有真悟丹陽妙通恍惚自然真常
口應聲隨俗念俱忘世無知音幽閨潛藏茅舍清居勝住高堂
蓬萊雲路要去休忙壺天妙景晝夜非常花開不謝閨苑仙鄉
海變松枯永免邱荒養成道體體掛雲裳大羅歸去朝現天皇

又

方寸無塵靈真如鏡應物明通至性保命調和道氣念無罪病
苦處爭先一切平等依此行持便是功行縛住心猿勝似入定
不著有無俱忘動靜憎愛是非益真可聽美言多邪清一多正

道藏輯要

仙樂集

三

曾集四
卅三十一

始終弗變了真朝聖

又

去惡善生忘情命生厭偽真生意平德生心通慧生見道無生
盡濁清生陰盡陽生性定光生敬參應生大慈救生道用微生

又

既慕林泉耕透靈田苦形心盡保養真鉛松前石畔趁了熬煎
貪爭遠卻達道通仙隱居世外高臥雲軒自然應變妙慧觀天
理明釋藏不讓參禪閑窮三教得意忘言

又

上士無爭應物常平不貪外寶道合真靈理明正教敬信來聽

方圓隨順救死哀生有心忘世無意身榮六銖天賜換卻僞形
完全功行勝殫聲名了真歸去朝現三清

又

萬事知空頓忘人我外應福行無爲成果真通柔弱妙明降火
靈耀常看金闕玉鎖自然有作住行坐臥別開道眼迸出珠顆
闔裏無心性如蓮朶理達希夷古今幾箇體變純陽蛻形無墮

又

身混世境不動真靜斡運內陽自然煥炳道慧通天寶光如鏡
應物德全達無罪病妙覺真常破妄歸正氣神相見命佳性定
水善清柔貫透剛硬上土無爭非是莫聽盡除憎愛寸靈平等

道藏輯要

仙樂集

三

胃集四

萬萬學道一二頓省弗思美饒乞覓餘剩貧裏藏真他年朝聖

又

清靜真功應物微通身似藕根心是蓮宮白雲出岫自在空中
妄言濁氣口應如聾至明樞要不與世同弗殫有無道性和冲
傻猿既定伏住虎龍自然了了彼岸靈峯養成三寶外若貧窮
他年厭僞閑伴森松

又

昇降敬奉莫動人眾只據會下錢少爲從各家艱難依平儉用
天人暗察心休錯用無私福多有愆罪重

又

節欲少病真平積行念道忘塵心猿縛定萬鎰黃金難買性命
三教歸依慧光漸瑩做做許龐真昇朝聖

又

觀名集仙上敬九天位列三清法離一邊藏經萬達化愚變賢
自然之道鍊汞烹鉛行全八百功了三千

又

道念寬慈世智兇狠積業如山陰公怎忍惡病纏身鬼使喚緊
罪沉幽冥冤對前引

又

世偽非堅莫縱心猿修真出有免了熬煎清平樂道舉意通天

道藏輯要

仙樂集

三五

胃集四

常善鍊汞泯情烹鉛行全八百功累三千古今達士依恁昇仙

又

念道忘俗命全無欲萬愆不造自然清福松峯樂性調和金玉
寶光無缺烏生三足希夷明妙霞友相逐

又

失墜傍生得通賢聖迷沉濁穢悟全清靜碧天似水象明如鏡
窮盡千金難醫心病服了刀圭道洽性命

又

但見女男如觀父母意順三毒身受萬苦知空厭世雲霞爲侶
出了陰陽性超寒暑氣結神靈真明千古道樂清平無爲仙舉